

ՍՈՎԵՏԱԿԱՆ ԳԻՏՈՒԹՅԱՆ ՈՒ ՏԵԽՆԻԿԱՅԻ ԽՈՇՈՐԱԳՈՒՅՆ ՆՎԱՃՈՒՄԸ

Անդրիան Նիկոլակի և Պավել Պոպովի «Վոստոկ—3» և «Վոստոկ—4» արբանյականավերով կատարած անօրինակ խմբային տևական տիեզերական թռիչքը նոր դարագլուխ բաց արեց տիեզերքի սովետական ուսումնասիրությունների գործում:

Գիտության պատմության մեջ հավասարը չունեցող այդ թռիչքի արդեն առաջին արդյունքները վկայում են սովետական գիտության ու տեխնիկայի առաջնությունը՝ մարդկության բարօրության համար տիեզերքի անձանոր տարածությունների յուրացման գործում:

Տիեզերքի նանապարհը, որ մեկ տարի առաջ բաց արեցին Յուրի Գագարինը և Գերման Տիտովը, աստիճանաբար դառնում է մի լայն ուղի, որով մարդկությունը ընթանում է դեպի աշխատանքի ու բանականության նորանոր հաղթանակներ: Անդրիան Նիկոլակի և Պավել Պոպովի խմբային թռիչքը «Վոստոկ—3» և «Վոստոկ—4» արբանյականավերով այդ ուղու մի նոր էտապն է, որը մոտեցնում է միջմոլորակային թռիչքների ժամանակաշրջանը: Նրանց թռիչքը մեծ նշանակություն ունի միջմոլորակային կայանների մրջակման, սովյի կատարյալ տիեզերականության ստեղծման, միջմոլորակային ուղեծրերի յուրացման համար:

Նրկարատե խմբային տիեզերական թռիչքը իրականացնելու համար ստեղծվեցին կատարելագործված տիեզերական արբանյականավեր, որոնց կառա-

վարման սխեմաները հնարավորություն տվեցին լիովին իրագործելու թռիչքի բնդարձակ ծրագիրը: Տիեզերականավերի բոլոր սխեմաների հստակ աշխատանքի շնորհիվ արբանյականավերը արտակարգ նշգրտությամբ դուրս բերվեցին իրենց ուղեծրերը և անքերի վայրէջք կատարեցին նախապես որոշված վայրերում: Նրկարատե թռիչքի ընթացքում մեր հերոս տիեզերագնացները բացառիկ արժեքավոր գիտական նյութեր կուտակեցին, որոնց լիակատար մշակումը կսլահանջի երկար ժամանակ:

«Վոստոկ—3» և «Վոստոկ—4» կատարելագործված տիեզերական արբանյականավերի ստեղծման և ձեռնարկված հատուկ միջոցների շնորհիվ հնարավոր եղավ ապահովել տիեզերագնացների տևական թռիչքները տիեզերական պայմաններում, մասնավորապես նրանց գերազանց աշխատունակությունն անկշռության և տիեզերական թռիչքի մյուս գործոնների ազդեցության պայմաններում, իրականացնել անխափան ուղիով կապ միմյանց և երկրի հետ, հստակորեն կատարել թռիչքի համար նախատեսված ամբողջ բարդ ծրագիրը:

Նիկոլակի և Պոպովի թռիչքի մեծ տևողությունը, «Վոստոկ—3» և «Վոստոկ—4» արբանյականավերի գիտական բոլոր սարքերի անխափան աշխատանքն, ինչպես և տիեզերագնացների անմիջական ակտիվ մասնակցությունը գիտական հետազոտություններին, նոր

ու արժեքավոր տեղեկություններ տվեցին սովետական գիտությանը՝ մարդու օրգանիզմի վրա տիեզերական թռիչքի բարդ, բիշ ուսումնասիրված պայմանների ազդեցության մասին: Ուսումնասիրությունների նախնական արդյունքները վստահություն են ներշնչում, որ հնարավոր է ստեղծել այնպիսի պայմաններ, որոնք ապահովեն տիեզերական շատ ավելի տեղական թռիչքների պայմաններում տիեզերագնացների առողջությունն ու աշխատունակությունը:

Իրականացված խմբային տիեզերական թռիչքի սովետական գիտնականների, կոնստրուկտորների, ինժեներների, բանվորների աշխիքնեղ սխալագործությունն է, մեր ժողովրդի արժանավոր զավակների՝ տիեզերագնաց օդաչուներ Անդրիան Գրիգորևիչ Նիկոլայի և Պավել Թոմանովիչ Պոպովիչի աշխիքնեղ սխալագործությունը: Վերջիններս արիությունը, հմտությունը, կազմակերպվածությունը ապահովեցին այդ թռիչքի լիակատար հաջողությունը, մի նոր փառավոր էջ գրելով սովետական ժողովրդի, սովետական գիտության ու տեխնիկայի նվաճումների պատմության մեջ, այն սխալագործությունների, որ կատարվել են հանուն մեր մեծ Հայրենիքի, հանուն սմբողջ մարդկության խաղաղության և առաջադիմության:

Այն բազմաթիվ պրոբլեմների թվում, որոնց դրական լուծումից մեծ շահով կախված է ապագա երկարատև տիեզերական նաւապարհորդությունների հաջող ելքը, սամնաէականներից մեկը մարդու օրգանիզմի վրա տիեզերական թռիչքի գործոնների ամբողջության ներգործության պրոբլեմն է:

Յու. Ա. Գագարինի և Գ. Ս. Տիտովի թռիչքից հետո սովետական գիտնականներն ու կոնստրուկտորները հսկայական աշխատանք կատարեցին, որի նրպատակն էր բարձրացնել մարդու ֆիզիոլոգիական կայունությունը տիեզե-

րական թռիչքի գործոնների ազդեցության նկատմամբ, ավելի ևս բարելավել տիեզերագնացի կյանքի ու աշխատանքի պայմանները տիեզերանավի խցիկում տեղական աշխատանքի ժամանակ:

«Վոստոկ—3» և «Վոստոկ—4» տիեզերանավերի թռիչքների ժամանակ բրձրկա-կենսաբանական հետազոտությունների առավել կարևոր գիտական խնդիրներն էին՝

—Տիեզերական տեղական թռիչքի ժամանակ մարդու ֆիզիոլոգիական հիմնական ֆունկցիաների վիճակի ուսումնասիրումը:

—Երկրի շուրջը տեղական ուղեծրային թռիչքի պայմաններում ֆիզիոլոգիական պրոցեսների օրական պարբերականության բնրացքի առանձնահատկությունների հետազոտումը:

—Տիեզերանավերի թռիչքի զանազան հատվածներում տիեզերագնացների աշխատունակության ուսումնասիրումը:

—Տիեզերական թռիչքների համար տիեզերագնացների բնորության և մարզման մեթոդների արդյունավետության ուսումնասիրումը:

—Թռիչքի ժամանակ կյանքի ապահովման և անվտանգության սիստեմների աշխատանքի արդյունավետության ուսումնասիրումը:

Ինչպես հայտնի է, տիեզերագնացներ Ա. Նիկոլայի և Պ. Պոպովիչի խմբային թռիչքը ավարտվեց արտակարգ հաջողությամբ: Թռիչքի ժամանակ կատարված հետազոտությունների շնորհիվ ստացված բազմաթիվ նոր գիտական տվյալները զգալիորեն կօժանդակեն հետագա ավելի բարդ ու երկարատև տիեզերական թռիչքների նախապատրաստման գործին: Այդ թռիչքի ժամանակ լուրջ ստուգման ենթարկվեցին տիեզերական նաւապարհորդության պայմաններում մարդու նորմալ կենսագործունեության ապահովման մե-

քողները: Իրա հետ կապված խնդիրների հաշույլ լուծման լավագույն վկայությունն է տիեզերագնացների առողջության գերազանց վիճակը վերադարձից հետո: Այժմ լիովին ապացուցված է տիեզերական տարածությունում մարդու երկարատև նանապարհորդությունների հնարավորությունը, որը դադարել է երազանքի լինելուց և դրվել է իրական հողի վրա:

Սովետական Միությունում տիեզերական տարածության նվաճումը կատարվում է մեծագույն հետևողականությամբ. բայց առ բայ առաջադրվում ու իրականացվում են նոր խնդիրներ, որոնք նախորդ նվաճումների տրամաբանական զարգացումն ու կատարելագործումն են: Մեր երկրում կենսագործվող այդ աշխատանքները նպատակ ունեն նվաճել տիեզերք՝ հանուն համամարդկային բարեկեցության, նրանք առգործված են մի նպատակով՝ զարգացնել գիտությունը հանուն բնության նկատմամբ մարդու իշխանության մեծացման, բնության գաղտնիքների բացահայտման, անել ամեն ինչ, որպեսզի բնությունը լիովին ծառայի մարդու կարիքների բավարարմանը:

Այդ իսկ նպատակների իրականացման համար, տիեզերական տարածու-

թյան խաղաղ յուրացման համար Սովետական Միությունը պայքարում է և կշարունակի պայքարել տիեզերական հետազոտությունների ծրագրերից այնպիսի փորձերը բացառելու համար, որոնք կարող են խանգարել գիտության զարգացմանը և վնասել տիեզերական ուսումնասիրությունների ասպարեզում միջազգային համագործակցությանը:

Ա. Նիկոլաևի և Պ. Պոպովիչի խմբային քոիչեր մի նոր վկայությունն է այն բանի, թե գիտության ու տեխնիկայի համաշխարհային զանձարանը որքան շատ բան են ներդրում մեր երկրի ազատ ժողովուրդները, այն ժողովուրդները, որոնք կատարում են մարդկային պատերազմի մեջ մեծագույն գործը՝ կառուցում են կոմունիստական հասարակարգ:

Սովետական գիտության ապշեցուցիչ նվաճումների հիմնական պատճառը սոցիալիստական կարգերի առավելություններն են, որոնք ապահովում են մեր երկրի գիտության, տեխնիկայի, կուլտուրայի ու էկոնոմիկայի անընդհատ առաջադիմությունը:

Ս. ՄԻՐՏՁՅԱՆ

Հայկական ՍՍՌ Գիտությունների
ակադեմիայի ակադեմիկոս-բարոյագիր: